

樹

藝

篇

蔬部第四

韭

勃

葱

蒜

薑

胡
荽

韭

種韭廣志曰白弱韭長一尺出蜀漢王亮之閨中賦曰蒲
韭冬藏也收韭子如葱子法若市上買韭子宜試之以銅
鑄盛水于火上微煮韭子須臾芽生者好芽不生者是裏
鬱矣治畦下水糞覆悉與葵同然畦欲極深韭一剪一加
糞又性根上蹉故須深也二月七月種之法以升蓋合地
為覆布子于圍內韭惟內生不向外畏圍種令科成蔞令
常淨韭性多穢數拔為良高數寸剪之初種歲止一剪至
正月掃去畦中陳葉束解以鐵耙耙起下水加熟糞韭高
二三寸便剪之剪如葱法一歲之中不過五剪每剪耙耙

下水加糞悉如初收之者一剪則留之則旱種者但與畦
與水耳把糞悉同一種永生諺曰韭者懶以采以其不湏
歲種也聲類曰韭者久長也一種永生崔寔曰正月上辛

日除掃韭畦中拔葉七月歲韭青

韭出祀

齊民要術

韭禮祭宗庙韭曰豐本其美在黃恐未盛秋晚分栽至春
摘以為薦新鄉俗未丁祭不敢賣

顧清松江府志

韭冬末春初細綫寸許郡城貴之市為薦新

姑蘇志

韭二月下旬撒子九月分栽十月將稻草灰蓋三寸許又
以薄土蓋之則灰不被風吹立春後芽生灰內可取食天
若晴暖二月中芽長成葉以次割取旧根常畱分栽更不

湏撒子矣

便民

種韭一畦欲深下水和糞初歲惟一剪每剪則加糞惟湏深其畦為可容糞

瑣碎錄

八月分韭菜韭菜根多年交結則不茂別作畦分栽摘去老根惟留嫩根栽之用鷄糞壅或乾猪糞亦可

農桑撮要

韭叢生豐葉本青細而長近根處白韭久也圖經云一種而久故謂之韭圃人種時一歲而三四割之其根不傷至冬培壅之先春而復生信乎一種而久者也

詩云韭者備人菜以其不

潤歲種也詩七月獻羔祭韭周禮醢人其寔韭俎記王制

庶人春薦韭以卯度卽一食二十七種杜詩夜雨剪春韭

樂天詩秋韭花初白皆是物也

收齊民要術云教人收韭菜子如葱子法試之以銅鑄盛水
于火上微煮非子湧更芽生者好矣不生者是裏瓣矣治畦下水糞覆悉與葵同

然畦欲極深以韭根生止跳故湧深也二月七月種之法如升蓋合地

為處布子于圍內以韭性內生不外向長圍種令相成也

上卒日掃去畦中陳葉以鐵耙耨起下水加熟糞韭高三寸便剪之一歲之中不過五剪晦一剪收子者一剪則審

之若旱種者但無畦与水耳耙糞則同四時類要云九月

收韭菜子種韭第一糞割弃之主人勿食事類書云韭畦用鷄糞尤佳故本草以韭為菜鍾乳凡近城園圃之家可種

三十餘畦一月可割兩次所易之物足供家費積而計之一歲可割十次秋後又可採韭花以供蔬饌之用謂之長生韭至冬移根藏于地屋簷中培以馬糞緩而即長高可尺許不見風日其葉黃嫩謂之韭黃比常韭易利數倍比方甚珍之又有旧畦內冬月以馬糞覆之於迎陽處隨畦以薑黍離障之用遮北風至春疏其芽早出長可二三寸則割而易之以為嘗新韭城府士庶之家造為饌食互相邀請以為嘉味剪而復生久而不乏故為之長生寶蔬菜中易而多利食而溫補貴賤之家不可闕也

王氏農書

韭園中種者是山中種者名蘿蔴名草鍾乳圃人種蒔一

歲而三四割之春食則香夏食則臭多食則昏人神日用本草

韭說文云一種而久故謂之韭纂要云一剪一加糞一歲不過五剪叅生訣錄云性煖號草鍾乳八閩

韭說文云一種而久者故謂之韭象形在一之上一地也
諺亦曰韭者懶人菜以其不須栽種也又利病人可久食
大抵高三寸即剪初種之歲止一剪之一歲之中不過五
剪矣首春色黃未出土時最美故云春初早韭冬末晚菘
迎風四之日獻羔祭韭庶人春亦以薦新詳庶人之薦韭
及秋冬乃薦麥黍与稻而春乃薦菜茹之物又三時用魚

豚鴈為配而韭獨以卯豈春物未成可薦者少故耶而祭
祀之牲號亦以稻曰嘉蔬韭曰豐本聯而言之豈古所重
歟其見于調和之遠則豚春用韭秋用蓼蓋各有宜物久
必安故老韭為冕然後秦姚興及後周宣帝大象中葱皆
化為韭說者以為戰伐之祥易稽覽圖云政通得則物陰
為韭是也
出不雅翼韭多補洩子甚溫俗間呼草鍾乳真誥云務光
服韭以入清冷之淵也

五色線集

說文曰一種而久者故謂之韭象形在一之上一地也論
衡曰地性生草山性生木故地種葵韭山種棗栗名曰美
園茂林也韭者火也一種求生札祭宗廟韭本具其本豐

則末殺瘦矣蓋餧之美在白韭之本在黃皆處其末之盛也齊民要術曰韭高三寸便剪其以此乎又曰剪如葱法一歲之中不過五剪凡剪不用日中故諺曰触露不揩葵日中不剪韭也

韭性內生根喜上跳故種与葵同法而畦欲極深詩曰獻羔祭韭開冰春祭也故献羔祭韭禮曰春行羔豚又曰春薦韭是也內則曰臘春用葱秋用芥豚春用韭秋用蓼葱与芥陰物也韭與蓼陽物也韭與蓼陽物也傳曰政道得則陰物變為陽物鄭玄云若葱為韭是也埤雅

種韭法

若欲收種五月內就不可割八月開花結子擇種佳者藏之未罕二月下旬于肥地下時作圓穴將韭子勻布不宜重疊下畢以灰厚蓋出後去草時用糞澆至八月分種至未年八月方可割之割後仍澆每年正月湏加乾河泥寸許則韭肥大不然雖頻澆無益也

圓明村人說
九些

韭味辛微酸溫無毒歸心安五藏除胃中熱利病人可久食子主夢泄精滿白根主養髮陶隱居云韭子入棘刺諸凡主漏精用根入生髮膏用葉以煮鱸魚鱸斷辛下痢多驗但此菜味辛臭雖煮食之便出猶奇薰灼不知葱薤熟即氣最是養性所忌也今按陳藏器本草云韭溫中下

氣補虛調和藏腑令人能食益陽止洩白膿腹冷痛病煮
食之葉及根生擣絞汁服解棄毒療狂狗咬人欲發者六
殺蛇虺惡虫毒取根擣和醬汁灌馬鼻中頸入擣根汁多
服主骨痺骨痛不可觸者俗云韭葉是草種乳言其宜人
信然也臣禹錫寺謹按爾雅云蘷山韭釋曰說文云菜名
一種而久者故謂之韭山中生者名蘷韓詩云六月食蘷
及奧是也

圖經曰韭舊不看所出州土今處一有之謹按許慎說文
解字云菜名一種而久者故謂之韭故圃人種蒔一歲而
三四割之其根不傷至冬壅培之先春而復信乎一種而

久者也在菜種此物最溫而益人宜常食之易稽覽圖云
政道得則陰物變為陽鄭康成註云若惡變為韭是也然
則葱冷而韭溫可驗矣又有一種山韭形性亦相類但根
白葉如灯心苗爾雅所謂藿羊六切山韭韓詩云六月食
薺及臭皆謂此也山中往往有之而人多不識耳

衍義曰韭春食則香夏食則臭神子止精滑甚良未出壅
土為韭黃最不益人食之即喘氣蓋含噎薺未子氣故如
是也孔子曰不時不食正為此葷食之動風

並柔味辛微酸溫無毒歸心安五臟六腑除胞中熱下氣
令人能食利病人可久食又云益陽止洩尿血暖腰膝除

胸腹冷痛痃癖春食香夏食臭冬食動宿飲五月食昏人
乏力不可合牛肉食酒後忌食舟溪云韭汁冷飲下膈中
痢瘀血甚驗以其屬金而有水與土其性急又能充肝氣
多食則傷神其子治虛勞損腎要良又未出土者為韭
黃食之即帶氣最不宜又花食之動風根治諸癬大抵蕙
韭皆常食但葱冷而韭溫于人有益

食物本草

韭園中種者是山中生者名蠶葉名草鍾乳圃人種蒔一
歲而三四割之春食則香夏食則臭多食則昏人神味辛
溫同牛肉食令人生塊病及瘻瘍黃不可同蜜食主歸心
安五臟除胃中熱補虛益腸下氣則病人可以食熟病後

十日不可食葱韭即發困子主夢泄精虛勞腎損尿白沙
二兩為末食前酒調下日用本草

隣人馮湘生兒數月偶遺金網巾圈于案上兒誤吞之哀
泣不已湘求救于醫、造出湘伺于門坐立不定或詢其
子何疾驚惶如事湘以前事告或教以急買韭數莖熟而
不斷与蚕豆同咽之不過二次其圈復大便出矣此法方
書所不載故表之劉完北壤紀言

韭本草云一歲三四割而根不傷今莆人種韭用磚砌為
丘段取鷄糞及竈灰培壅其根而水澆灌之雖一月一割
久茂盛如初本草註謂葱韭皆當食但葱冷而韭溫于人

有益又有山韭與家韭形雖相類但根白葉如灯心禹山中人醃以為菹不可食

吳化府志

韭之性溫故謂之草鍾乳易稽覽荀子政道得則陰物安為陽鄭玄注若葱安為韭是也可知葱冷而韭溫然葷莫非叅性所宜多食亦昏神

草木畧

爾雅云藿山韭荳山葱勒山韞韞力高山蒜注曰今山中多有此乘如人家所種者葱葱細莖大葉疏曰此亦四種菜生山中与人家所種者異名也

爾雅疏曰韭說文云菜名一種而文者故謂之韭象形在一之上一地也生山中者名藿韓詩云六月食齧及藿是

也士洵按今豳風穠作奠容考

穠者山韭形性與韭相類但根白葉如灯心苗其音羊六切韓詩十月食薺及穠謂此物也毛詩穠作奠以薺為棟属奠薺鄭氏云食薺奠之葵収枣皆以取男功蓋薺實大如李正赤食之耕五月時熟薺是薺類而小別即奠李是也王務農所植皆百穀百蔬有益于民者然七月所述不及一二若果疏之屬惟瓜足以去暑枣足以救歲乏故重而記之薺苦果不登于邇不用于摯正爾食之何補飢渴似兒戲爾不若薺菜及穠之可以食賤尤也然齊韓毛鄭其詩異說故並存著之說文又曰叢山韭也

息庶切爾雅翼

水韭生于池塘中葉似韭得非龍爪薤乎字林云篆音嚴水
中野韭也又吟音見字林似蒜生水中

北戶錄

杜子美有除疾蕷音草一篇蜀中謂之毛苦可畏之如蜂
蠻治風癆以此草點之一身失去葉背紫者入藥杜詩註
云疾音潛山韭也

佐池筆記

麤
即蕷

種麤爾雅曰麤鴻臚註曰麤菜也麤宜白熟良地三轉乃佳二月三月種八月九月種六得秋種者春末生率七八支為一本諺曰葱三麤四移葱者三支為一本種麤者四支為一拜然支多者科圓大故以七八為率麤子三月葉青便出之未青而出者肉未滿令麤瘦燥曝接去莖餘切却薑根留薑根而澆者即瘦細不得肥也先重糲耕地壟燥培而種之壟燥則麤肥糲重則白長率一尺一本葉生即動不厭數麤性多穢荒則羸惡五月鋒八月初耩不耩則白短棄不用剪則損白供常食者別種九月十

月出賣經久不任也擬種子至春地釋出即曝之崔寔曰

正月可種韞韭芥七月別種韞矣

齊民要術

薤與韭同類雖辛而不葷五歲所以學道之人服之有赤白二種白者補而美赤者主金瘡不結子一名鴻薈爾雅

曰韞鴻薈

草木畧

薤爾雅曰鴻薈本出魯山平澤今處々有之葉似韭而潤本豐而白深本草云雖辛不葷五歲李道人長弭之以其能溫中通神安魂魄續助力耳故杜甫詩曰東北青薈色圓齊玉筋頭衰年閑禹吟味煖併無憂或取其白芼酒尤佳樂天詩曰酥煖薤白酒又內則曰切葱薤實諸醯以末

之碎錄云豚脂用葱膏用薤然則酒也醯也膏也無施不可種法与韭同二三月種凡三四支一本或也七八支謬
云葱三薤四蓋支多則本茂

未滿令薤瘦率一尺一本葉生則鋤薤惟多虧薤子三月葉青便出之而出者向漢渤海大守冀遂勸農家種薤有本民獲其利到于今稱之

又一種麥原中自生者俗呼為天薤即野薤也葉比家薤而小味益辛即爾雅所載効山薤也亦可供食但不多有耳夫薤韭屬也支本益茂而功用過之生則氣辛熟則甘美種之不蠹食之有益故學道者之所資而老人之所宜食也醫家因珍之以為菜不尤宜乎王氏農書

薤宜白軟良地耕三轉

一作五遍

乃佳二月三月種

八九月
勿得秋

自齊

種者春未生

率七八枝為一本

諺云葱三薤四移葱者三枝為

一本薤四枝為一科然枝多有斜圓大故以七八為率

子三月柔青便出之未青而出者肉未滿多令薤瘦燥曝

接去萼切却薑根留薑根而濕者即瘦細不得肥也先種
耧耩地隴燥培而種之壅燥則薤肥耧重則白長率一尺

一本葉生即鋤、不厭數薤性久多穢荒則羸惡五月鋒

八月初耩不耩則白短葉不用剪、則損白供常食者別

種九月十月出賣絳文不任也撫種子至春地釋出則即

曝之

居家必用

薤俗呼小蒜

鎮江府志

薤本草圖經云似薤柔潤多白無实又云凡用葱薤皆去青留白盖白冷而青熟也

八閻

薤宜白軟良地種法一本率七八枝諺云葱三薤四言種葱者三枝一拜薤即四枝也多者科輒圓大故以七八為率爾雅曰薤鴻薈即此是也內則曰脂用葱膏用薤

埤雅

薤似韭而無實尤不甚羣右礼者脂用葱膏用薤脂羊牛麋鹿之屬膏犬豚之屬蓋物各有所宜今薤與牛肉同食令人作癥瘕是也少儀曰為君子擇葱薤則絕其本末有姜乾者也糜鹿魚為菹麌為辟鷩野豕為軒兔為完脾切

葱若薤宜之鹽以柔之言此四物其作之狀以醋与葷菜
淹之悉皆濡熟殺肉及腥氣蓋雖葷物乃能去腥故古人
不棄而用之今人種薤皆以大蒜置硫黃其中久則種口
為薤有赤白二種赤者主金瘡及風苦而無味白者補
而美又雖有辛不葷五藏养生者服之可以安神養風氣
夫物英華之美者莫如芝故蓮曰水芝芋曰土芝蜜曰衆
口芝薤曰菜芝蓋書記務光爾剪薤以入清冷之淵今有
薤柔篆傳者以為務光所作爾雅翼

薤味辛若溫無毒主金瘡○敗輕身不飢耐老歸于骨柔
芝也除寒熱去水氣溫中散結利病人諸瘡中風寒水腫

以塗之生魯山平澤陶隱居云葱薤異物而今共條本經
既無韭以其同類故也今亦取為副品種數方家多用葱
白及柔中涕名葱薑冉音無復用寃者葱亦有寒熱白冷青
熱傷寒湯不得全有青也能消桂為水亦化五石仙方所
用薤又溫補仙方及服家食皆須之徧入諸膏用不可生
噉草卒為忌唐本注云薤乃是韭類葉不似葱今云同類
不識所以然薤有赤白二種白者補而美赤者主金瘡及
風苦而無味今別顯條於此也今按陳藏器本草云薤調
中主久痢不差腸內常惡者但多煮食之赤痢取薤致黃
柏煮服之差臣禹錫等謹按蜀本圖經云形似韭而無寃

山薤一名勁葉相似体性少同葉皆多苦春秋分時爾雅云勁山薤釋曰說文薤葉也生山中者名勁又云蘿鴻薈釋曰蘿一名鴻薈孟說云薤療諸瘡中風水腫生搗熟塗上或煮之白色者最好雖有辛不葷五藏李道人常服之可通神安魂魄益氣續筋力日華子云輕身耐寒調中補不足食之能止久痢冷渴肥健能生食引涕唾不可與牛肉同食令人作癥瘕四月不可食也

圖經云薤生魯山平澤今處一有之似韭而葉闊多白無实人家種者有赤白二種赤者療瘡生飢白者冷補皆春分時之至冬而葉枯爾雅云蘿与薤同鴻薈鳥外切又云

勤巨盈切山蘿山蘿莖葉少与家薤相類而根長葉差大
僅若廬葱体性少与家薤同然今少用薤雖辛而不葷五
藏故道家長餌之兼補虛最宜人凡用葱薤皆去青留白
云白冷而青熱也故斷少下方取薤白同葉黃蘖煮服之
害其性冷而解毒也

衍義曰薤葉如金燈葉差狹而更光故古人言薤露者以
其光滑難辨之義千金治肺氣喘急用薤白少取其滑泄
也與蜜同持金湯火傷其效甚速

薤味辛若氣溫入手陽明經魚毒主金瘡口敗輕身不飢
耐老宜心歸骨菜芝也除寒熱去水氣溫中散結痢病人

止久痢冷洩赤白帶通神安魂魄益續筋骨解毒骨鰻
食之即下有赤白二種白者補而美赤者主金瘡風若而
無味又云白色者最好雖有辛而不嘗五藏又云凡用葱
薤皆去青蓄白以白冷青熱也故斷赤廁方取薤白同黃
蘖煮服之言性冷而解毒矣又治霍亂乾嘔不息煮汁又
治疥瘡搗汁又治犬虎咬又治產後諸痢并湯火傷但發
熱病不宜多食又不可與牛肉同食令人作癥瘕也

食物

本草

薤白者最佳赤者次之味辛溫無毒白者最好雖有辛不
嘗五藏李道人長服之可通神安魂魄益氣續筋力合牛

肉食成癥疾主除寒熱去水氣溫中散結氣調中補不足
止赤痢下冷鴻諸瘡中風寒水腫或卒死常居寢卧忽
而絕皆是中惡取薤汁灌鼻中能甦薤白味辛苦溫無毒
千金治肺氣喘急用薤白少取其滑泄也与蜜同搗塗湯
火瘡其效速甚

日用本草

薤葉似韭而大其美在白爾雅曰鴻薈種法支多者拜圓
大誘曰葱三薤四言多支也

松江府志

爾雅疏曰薤說文云菜也葉似韭生山中者名剗

爾雅曰離鴻薈即注離菜也疏離似韭之菜也一名鴻薈
本草謂之柔芝是也

勑

勑與鬱畧相似而根長葉差大僅如麻葱体性亦與同
釋草云麌山韭荅山葱山葱勑山鬱高山蒜皆謂生山中者別
得麌荅勑萬之名物類相感志乃称列仙傳昔有人隱勑
山服亢鬱之葉又引孫炎云帝登萬山遭猶茅草毒得蒜
乃啖之解毒乃收植之是則以勑萬為兩山之名出此鬱
蒜耳說文曰鬱菜山中者名勑爾雅翼

葱

種葱爾雅曰蒼山葱註曰蒼葱細莖大葉廣雅曰藿蕷籍
葱也其翁謂之薹廣志曰葱有各春二種有故葱木葱山
葱晉令曰有紫葱收葱子必薄布陰乾勿令浥鬱此葱性
熱多喜浥鬱浥鬱則不生其擬種綠豆五月掩殺之比至
七月耕數徧一畝用子四五升良田五升薄地四升炒穀
拌和之葱子性澁不以穀和下不均調不炒穀則草穢生
兩穰重耩竅瓠下之以批蒲結反壅蘇結反壅腰剗之七
月納種至四月始鋤、遍乃剪、与地平高畠則無葉深
剪則傷根剪欲且起避熟時良地三剪薄地再剪八月止

不剪則不茂剪過則根跳若八月不止則葱無抱而損白十二月盡掃去枯葉枯抱不去枯葉春葉則不茂二月三月出之良地二月出薄地三月出收子者別畝之葱中少種胡荽尋手供食乃至孟冬為道穴不妨崔寔曰三月別小葱六月別大葱七月可種大小葱夏葱曰小冬葱曰大
齊民要術

葱按本草葱有四種冬葱胡葱漢葱落葱冬葱經冬不死莖葉似軟美始蒲中所謂長生葱也漢葱冬枯莖葉硬味薄始蒲中所謂大麥葱也葱本白而末青白冷青熟凡發汗殺湯皆用白嘗讀洗冤錄凡杖瘡及刀鎗砍戳膜未斷

取葱根搗爛鍋中搘熟傅之皆愈正統末土木山走還被傷人口或敷用葱煎湯洗之瘡不痛

吳化府志

葱薤屬韋菜也出太湖上名湖葱葉闊而鬚長

姑蘇志

葱種不拘時先去冗鬚微曬疎行密排種之宜糞培壅便

混

八月種葱子上旬治畦用灰糞勻細撒子來年三月移栽

農操撮要

薤似蒜其葉如葱而三稜

水晶葱其葉似葱而蒜二物皆不具豫章最多且于鬆土之地鋤成溝以水晶葱擺于內用牛馬糞糠拌土蓋

之上以芝麻稻又蓋于上勿令生草八月種來年五七月
收水晶葱宜姜醋浸蔴宜糖醋浸可食神隱

葱訖文云葷菜也其色葱葱淺綠色也故名凡四種山葱胡葱
漢葱凍葱亦然食惟用漢葱凍葱耳漢葱本漢葱葉大而葱也漢葱葉大而
香薄冬即葉枯宜供羹食凍葱葉細而益香又宜過冬比
漢為勝或名大官葱陸放爾詩羌羨僭用大官葱

凡種法收葱子必薄布陰乾勿令浥鬱葱中熟浥則不出矣擬種之
地必須春種菉豆五月掩殺之比至七月耕數遍一亩用
子數升炒穀半和種之葱子性澁不以熟和下均則韋穢而益生兩穰種耩
窺瓠下之以批、契上撒下覆繫腰曳之七月納種至四

月始鋤：遍仍剪：与地平
高留則無葉
淺則傷根
時良地始剪薄地再剪八月止
不剪則不戰
剪過則根雖八月不止則
葱無袍而損白十二月掃去枯葉枯袍
不去枯袍
春葉不反
月出移移之收子者別畱之又法先以子畦種移栽却作
溝壟糞而壅俱成大葱皆高尺許白亦如之宿根在地米
年并得作種移栽之者冀遂渤海勸農曰種葱一畦非惟
足供烹餚種多亦可資富梁呂僧珍其先取貶葱爲業及
貴兒子棄業求官珍不許曰汝苦自有常分不可妄求可
速歸葱肆耳可謂知所本矣按葱之爲物中通外直本茂
而葉香雖八珍之奇五味之異非此莫能達其美是犹商

梅之謂也吳橙之毫鮮也其可以他菜而例視之哉

王氏

農書

葱有实而秧種者為青葱無实而分種者為科葱抽莖高二尺許岐生作花者為樓子葱鎮江府志
樓子葱又名龍爪葱

葱有二種胡葱蕷葱也長生葱七月種八閏

葱本白而末葱青一色尤美爾雅曰青謂之葱古者佩玉有葱珩以玉色如葱色得名馬之青驥稱驥六取義于葱而望氣者言鬱鬱葱葱言條暢也古作臘春用葱脂六用葱薑辟鶉究脾皆切葱薤宴諸醯以柔之物之用葱者多故礼為君子擇葱薤則絕其本末至進食之礼葱潔處

末沫水葱也在豆處醯醬之左言末者殊妙也而漢世大
官園種冬生葱薤菜茹覆以屋廩晝夜爨燼火待溫氣乃
生召信臣為少府以為此皆不時之物有傷于人不宜以
奉供奉奏罷之漢孔奮為姑臧長妻子但食葱菜而義熙
中大常謝澹坐遣四人还家種葱菜免官人之貪廉不同
如此西域有葱嶺河源所自出西河舊事其山高大上悉
生葱故以名焉尔雅翼：穴蟲屬然葷菜也傳曰五葷錄
形葱者其一也齊民要術以為種葱良地三剪薄地再剪
八月止不止則葱無抱而損白蓋葱肉曰白其青謂之抱
爾雅曰青謂之葱詩曰有蕡葱筭葱靃青也崔寔曰三月

別小葱六月別大葱夏葱曰小冬葱曰大今其孢背中虛故脉如葱葉謂之浮埤雅

葱于春秋皆可種惟六月俗云是葱本命不可分凡分葱時湏大時乃佳又湏尽去其鬚及黃葉逐枝排下俟活頻以清糞澆之則盛

先生

葱大者為蘆葱小者為湯葱皆可調羹亦有曰胡葱者蓋野產也

九江府志

水晶菜宋孝宗問周必大吉州所產何物必大對曰金柑王氏并銀杏水晶葱一統志

獨本葱元初馬湖蠻歲以獨本葱來獻郡縣疲於邇送元

貞初罷之

一
馬湖統志

水晶葱龍洲上五十七都出劉子高詩芳烈齊山名嘉名
重水晶生成推土物誇大看鄉評鳴齒冰丸脆通神雪汁
清茗甌端有助疎賤愧吾生

泰和縣志

葱宜味辛溫無毒主明目補中不足其莖葱白平可作湯
主傷寒熱出汗中風面目腫傷寒骨肉痛喉痺不通神
安胎歸目除肝邪氣安中利五臟益目睛殺百藥毒葱根
主傷寒頭痛葱汁平溫主溺血解藜蘆毒唐本注云葱有
數有種山葱白若葱療病以胡葱主諸惡哉七史功狐尿
刺毒山溪中沙蟲射工等毒煮汁浸或搗傅大效六兼小

蒜芥蔓輩不獨用也其人間食葱又有二種有凍葱即經
冬不死分差裁時而無子也又有漢葱冬即葉若食用入
藥冬葱最善氣味尤佳臣禹錫寺謹按蜀本圖經云葱有
冬葱漢葱胡葱茗葱凡四種冬葱夏葱棄冬盛葱葉俱軟
夷山南江左有之漢葱冬枯其莖實硬而味薄胡葱莖葉
簇短根苦金聲龍療腫毒茗葱生于山谷不入藥用爾雅
云茗山葱釋曰說文云葱生山中者一名茗細莖大葉者
是也

圖經曰葱實本經不載所出州土今處一有之葱有數種
入藥用山葱胡葱食品用凍葱漢葱山葱生山中細莖大

葉食之香美于常葱一名荅古百切葱爾雅所謂荅山葱
是也荅葱類食葱而根莖皆細白又云莖葉微短如金燈
者是也舊別有條云生蜀郡山谷似大蒜而小莖圓皮赤
稍長而銳葱凍葱冬夏常有但分莖裁時而去子氣味最
佳亦入藥用一名冬葱又有一種樓葱亦冬葱類也江南
人呼龍角葱言其苗有八角故云爾雅楚間多種之漢葱
莖實硬而味薄冬即葉枯凡葱皆能殺臭肉毒食品所不
可觸也衍義曰葱宴葱初生名葱針至夏則有花于秋月
種作高溝隴旋壅起以備冬用白葱其實一也又有龍
角葱每莖上出岐如角皮赤者名接葱可煎湯涼下部子

皆辛色黑有皺紋作三瓣此物大抵以發散多為功多食
昏人神

種蕷宜鬆土之地鋤成溝用牛馬糞糠秕拌土蓋之上以
芝麻楷又蓋于上勿令生草是月種來年五七月收宜鹽
淹一時糖醋浸之可食 水雲錄

葱葉溫白與鬚平味辛無毒主明目補中不易其莖白入
手太陰經足陽明經可作湯主傷寒熟中風而目腫骨
肉疼喉痺不通安胎歸目除肝邪利五藏益腫精散百藥
毒通大小腸療霍亂轉筋奔豚氣脚氣心腹痛目眩及心
迷悶止衄殺一切魚肉毒又治打撲損并刀杖瘡連根用

主傷寒頭痛如破又茎葉用鹽研貼蛇虫傷水治蚯蚓毒
此凍葱經冬不凋不結子分莖莖種莖葉俱軟氣味香佳
食用最宜忌与蜜同食有一種接葱即龍角葱亦凍類又
胡葱漢葱薑葱數種不同大抵以發散為功多食昏人神
只調和食品可也 食物本草

仲景金匱要畧云葱与蜜不同食之全人心疼正德間
嘉興王姓者因遠歸以魚鯿饋送其姻家偶因薦觴食者
咸死或謂其鯿之有毒故也竊意鯿興蜜安得殺人造酇
者其中必有葱蓋葱與蜜能殺人耳古人云蜜雖不可盛
酇食之致死豈欺我哉 繪醫說

葱郡葱有二種凍葱冬夏長有但分茎裁薄而無子氣味最佳可入藥用其葉長大有角而生子者莖葉硬味薄本草食療云葱葉溫白平主傷寒壯熱出汗又云葱白及鬚平通氣主傷寒頭痛又云切不可与蜜相和食之促人氣殺人圖經云治打撲損取葱新折者便入塘灰火燥秉熟剥皮擘開其間有涕便將署於感^切損處仍多煨取續、易熱者痛立止又云凡葱皆能殺魚肉毒食品所不可闕也

邵武府志

薑葉如葱但根圓大過之

建昌府志

葱餽屬傳曰五葷鍊形葱其一也齊民要術種葱良地三

剪薄地再剪八月止不止則葱無袍而損白種自太湖至
者多自曰湖葱

松江府志

薑

古麥切

葱有數種山葱薑葱赤皮名樓葱即冬棄枯名漢葱棄上
生根名龍爪葱似大蒜而小形圓皮赤稍長而銳名胡葱
經冬不死分至裁蒔而無子名凍葱入桑胡葱凍葱最佳
和五味大抵發散收功葱薤有冷熱白冷青熟傷寒中用
不得有青也味辛溫無毒多食昏人神發疽疾動氣上衝
開閨節出汗冬月不宜多食虛人不可同菘柔及蜜食服
常山藥人忌食主傷寒：熱天行時氣頭痛出汗中風面

目浮腫骨肉疼痛喉痺不通安胎益氣除邪利五藏通大小腸壅亂轉筋責豚氣脚氣心腹痛益精明目並連根用殺一切魚肉百藥毒日用本草

爾雅疏云葱說云菜名生山中者名薑細至大葉者是也

胡葱

胡葱味辛溫中消穀下氣殺虫食傷神損性令人多忘
損目明尤發痼疾患胡臭人不可食今轉甚其狀似大蒜
而小形圓皮赤稍長而麌土屬郡山谷五月六月採

胡葱味辛溫平消穀下氣殺虫食傷神損性令人多忘
損目明尤發痼疾患胡臭人不可食人轉甚食物本草

荅 拙

荅山葱釋者引訖文云葱山中者名荅細莖大葉者似也
葱有冬葱漢葱胡葱荅葱凡四種各葱夏菜冬盛莖葉俱
軟美山南江左有之漢葱冬枯其莖實硬而味薄胡葱莖
葉粗短根若金蘆能已睡荅葱生于山谷不入桑用管子
云齊威公五年北征山戎出冬葱与戎取布之天下也戎
收胡豆也与冬葱皆得之山戎古者此等通名葅菜西方
則以大蒜小蒜與渠葱荅葱列為五葅以為熟之則發
姪生噉增恚皆有損于性情故絕而不食今北虜好主食
葅菜雖其天性廣戾亦食性所染致然今道家尚有五葅

乃謂韭菜莖胡荽薤也無名葱等此自隨中國所多者
為說故不同焉爾雅異

蒜

種蒜說文曰蒜葷菜也廣志曰蒜有胡蒜小蒜黃蒜長苗
無科出哀牢王逸曰張騫周流絕域始得大蒜葡萄苜宿
博物志曰張騫使西域得大蒜胡荽延寫曰張騫大宛之
蒜潘尼曰西域之蒜朝歌大蒜甚辛一名葫南人尚有齊
葫之言又有胡蒜澤蒜也蒜宜良輞地白輞地蒜甜美而
科大黑軟次之剗強之地辛辣而瘦小也三偏熟耕九月
初種之法黃場時以耧耩逐壠手下之五寸一抹耥曰左
右通鋤一畝餘株空曳勞二月半鋤之令滿三遍勿以無
草則不鋤不鋤則可小條拳而軋之不軋則獨秆葉黃鋒

出則辦于屋下風涼之處之早出者皮赤可堅可以遠行晚則皮皴而喜碎冬寒取穀得丸勒布地一行蒜一行得不爾則凍死收條中子種者一年為獨辦種二年者則成大蒜科皆如拳又逾于凡蒜矣毛子壠底置獨辦蒜于壠上以土覆之蒜科廣闊而大形容殊別尤足矣異今并州無大蒜朝歌取種一歲之後還成百子蒜矣其瓣盤細正與條中子同蕪青根其大如椀口雖種他州子一年尚交大蒜辦交小蕪青根受大二事相反其理難推又八月中方得熟九月中始則得花子至于五穀蔬果与餘州早晚不殊六一異也并州豌頭度井陘已東山穀子入黨闕

上黨苗而無实皆余目所親見非信傳疑蓋土地之異者也種澤蒜法預耕地熟時採取之漫散芳之澤蒜可以香食吳人調鼎率多用此根葉鮮菹更勝葱韭此物繁殖一種永生蔓延滋漫年稍廣間區斷取隨手还合但種數畝用之無窮種者地熟美於野生崔寔田布穀鳴收小蒜六月七月可種小蒜八月可種大蒜齊民要術

葫大蒜也蒜小蒜也小蒜一名亂子草木畧

爾雅疏曰蒜說文云葷菜也一云菜之美者雲夢之葷菜生山中者名蕷

大蒜又名葫

胡味辛溫有毒主散癰腫瘡除風邪殺氣毒獨子者六
佳歸五藏久食傷人損目明五月五日採陶隱居云今人
謂葫為大蒜謂蒜為小蒜以其氣類相似也性最熏臭不
食俗人作羹以噉鱠肉損性伐命真此之盛此物惟生食
不中煮以合青魚作食令人發黃取其條上子初種之成
獨子葫明年則復其本也唐本注云此物煮為羹臘極俊
美熏氣六微下氣消穀除風破冷是為饌中之後而注云
不中煮自當是未經式爾今按陳藏器本草云大蒜去水
惡瘧氣除風濕破冷氣爛痃癖伏邪惡宣通溫補無以加
之初食不利目多食却明久食令人血清使毛髮白療瘡

癬生食去蛇虫溪蠱寺毒息患瘡癩者嘗夢人教每日食
三顆大蒜初時依夢遂至眼眶中口吐逆下部如火後有
人教令取數片合皮截却兩頭吞之為名內灸依此大效
又魚骨硬不出以蒜肉鼻中即出獨顆者殺鬼去痛入用
最良臣禹錫等謹按蜀本圖經云大蒜今出梁州者最美
而少辛者大徑二寸注陽者皮赤甚辣其餘並相似也孟
說云蒜以服損眼傷肝治蛇咬瘡取蒜去皮一升持以小
便一升煮三四沸通人即入清損處從多至暴初被咬末
腫速嚼蒜封之七易又蒜一升去皮以乳二升煮使用空
腹一頓服之隨後飯壓之明日依前進服下一切冷毒風

氣又獨頭者一枚和雄黃杏仁研為丸空腹飲下三丸醉坐少時患鬼氣者當毛出即差

圖經曰胡大蒜也舊不著所出州土今處有之人家園圃所蒔也每頭六七瓣初種一瓣當年便成獨子葫至明年則復其本矣然其花中有实六葫瓣狀而極小六可種之五月五日採

葫大蒜也今人家園圃中所蒔者是有重臺者有獨子者宋江寧府紫極宮有石刻云但是發背及癰疽惡瘡腫核等初覺肉間有異即切大蒜如銅錢厚安腫處用艾灸之不計壯數初覺痛者以痛定為準不覺痛者灸至極痛而

止無不愈者若是贅疣之類炙之亦自落痂其效如神

杞縣志

蒜於肥地鋤求溝隴隔二寸栽一科糞水澆之八月初可
種

便民圖纂

蒜處所有之出崇明者為佳

姑蘇志

三月鉏蒜一候苗高尺餘頻鋤澆灌拔去薹則結實肥大
農桑撮要

八月種蒜宜熟地耕三次以矮成清二寸一窠種之候苗
出時鉏不厭頻常令根旁潔靜須要鋤地令虛以糞水澆
灌薹出拔去則辦肥大不然則瘦小

同上

蒜說文云葷菜也又曰菜之美者張騫使西域得大蒜種之今京口有蒜山多出蒜、有大小之異大者曰葫即今大蒜每頭六七瓣收條中子種者一年為獨蒜再種之則皆六七瓣矣小曰蒜葉似細葱而滿頭小如薺即今山蒜爾雅曰嵩山蒜也二物氣味相似能興陽伐性故道家者流多忌食之性熱而有小毒性極葷然以入臭肉掩臭氣夏月食之解暑辟瘴氣比方食餅肉不可無此家有其種多者收一二頃以供歲計今在種之裔民要術云宜熟軟地耕三遍八月種至來年四五月收凡種每半尺地一根鋤治令淨時加糞壅菜上一尺許漸々撥開土要見白則

本大不爾止益草耳或結柔亦佳嫩薹亦可為蔬又一種
澤蒜可以香食吳人調鴨率多用此根解道更勝葱並此
物易滋蔓隨廝隨合熟時拔子漫散種之按諸菜之輩者
惟宜採鮮食之經日則不羨惟蒜雖久而味不變可以資
生可以致遠施之臭腐則化為神奇用之鴨俎則可代醯
醬旅途尤為有功炎風瘴雨之所不能加食腊毒之所
不能害此亦食經之上品日用之多助者也其可不廣種
之哉 王氏農書

蒜卵蒜也俗人謂之小蒜胡國有蒜十許子共為一株擇
纂聚之為名胡蒜尤幸于小蒜俗人尚呼之為大蒜古今
注

種蒜法九月初于菜畦內稠栽蒜瓣候来年春二月間先
将地熟犁數次每畝上糞土數十擔再用犁翻過耙勻手
持木鋤二寸許挿一竅栽蒜秧一株如此栽遍如旱時常
以水澆至五月間起每窠如拳許大極妙居家必用

蒜大者曰葫無瓣者俗呼獨脚蒜

八閏通志

蒜有大小大蒜為葫小蒜為蒜本草所別葫又称胡蒜陸
法言切韻曰張騫使西域得大蒜胡荽則此物漢始有之
以自胡中來故名胡蒜耳種宜良轡地三遍熟耕之五寸
一株説曰左右通鋤一萬餘株收條中種者一年為獨瓣
種二年者則成大蒜科皆如拳又逾于蒜矣今并州無大

蒜朝歌取種一歲之後還成百子蒜其辦麤細正与條中
子同其蔓青根大如椀口雖種他州子一年亦蔓然大蒜
辦交小蔓青根交大二事相反其理難推又八月中方得
熟九月子始刈得花子至于五穀蔬果与餘州早晚不殊
六一異也又并州豌豆度井陘以東山東穀子入壺關上
黨苗而至寘信土地之異也葫性最葷不可食俗人作葷
以膾魚肉久食傷人損目明養生論曰董辛害目謂之葷
菜也此為甚耳說者乃文曰此物煮為羹膾極美葷氣亦
微又云初食不利目多食却明久食全人血清似皆好食
者之辭今朝胡人以大蒜塗体爰其芳氣又以獲寒且

生噉之南人所不習效之者無不目腫

爾雅翼

蒜有分瓣有獨頭者重陽種次年端午先收

九江府志

蒜味辛溫有小毒歸皮腎主霍亂腰中不安消穀理胃溫

中除邪痔毒五月五日採之陶隱居云小蒜生桑時可煮

和食至五月葉枯取根名亂音乱子正爾噉之亦甚熏臭

味辛性熱主中冷霍亂煮飲之尤主溪毒食之損人不可

長食唐本注云此蒜与葱薑相得主惡戰毒山溪中沙蟲

水毒大效山人俚僚時用之也臣禹錫寺謹按蜀本圖經

云小蒜野生小者一名蒳一名萬苗葉根子似葫而細數

倍也爾雅云萬山蒜釋曰說文又云葷菜也一云菜之美

者雲夢之葷菜生山中者名萬益訖云小蒜亦主諸虫毒
丁腫甚良不可常食圖經曰蒜小蒜也舊不著所出州土
今處、有之生田野中根苗皆如葫而極細小者是也五
月五日採謹按爾雅禹力的切山蒜釋曰訖文云蒜葷菜
也一云柔之美者雲夢中葷生山中者名萬今本經謂大
蒜為葫小葱為蒜而爾雅訖文所謂蒜葷柔者乃今大蒜
也萬乃今小蒜也書傳載物之別名不同如此用藥不可
不審也古方多用小蒜治霍亂者汁飲之南齊褚澄用蒜
治李道念鶴瘕便差江南又有一種山蒜似大蒜臭山人
治積塊及婦人血瘕以苦醋摩服多效又有一種似大蒜

而多辦有葷氣彼人謂之腋子生脚氣宜煮與辱婦飲之易產江比則無

衍義曰蒜小蒜也又謂之萬苗如葱根針白大者如烏芋子薦根煮食之又謂之宅蒜華佗用蒜壅是此物

小蒜味辛溫有小毒歸脾腎主霍亂腹中不安消穀理胃溫中除邪癰毒氣丁瘡等毒華佗用蒜薤吐人惡物云是此又云大蒜久食損人目傷肝不可與魚膾同食食物本草大蒜味辛氣溫有殺蟲屬火主散癰腫瘡除風邪殺毒氣消食下氣健胃善化肉行濕破冷氣燶痃癖辟溫疫氣壅氣伏邪蟲蛇虫溪毒治中暑毒霍亂轉筋腹痛爛嚼

溫水送之又鼻衄不止搗碎塗脚心止即拂去醋浸經年
者良此物性熟氣極薰煮為羹臘極俊美薰氣亦微下氣
溫中消穀雖曰人喜食多于暑月但生食久食傷肝氣損
目明面無顏色又傷肺脾引痰宜戒之棄而可食独子者
攻毒如癰疽發背惡瘡腫核初發取紫皮獨頭者切片貼
腫心炷艾灸其上覺痛即起焦者用新者再灸瘡初痛者
灸不痛不痛者灸痛痒者亦如之以多灸之為良無不效
者疣贊之類亦依此灸之

同上

葫大蒜也園中以蒜種蒔成瓣蒜子種名獨蒜五月五日
收之味辛溫有小毒其氣性薰臭和臭肉中食掩臭氣不

可久食損目明主散癰腫瘡健脾胃消穀食止霍亂吐瀉腹痛除勞瘧疾癬中暑毒人爛嚼三兩瓣以溫水送下癰疽並用獨蒜切片灸之三炷一換初灸痛久至不痛灸至痛住鼻衄不止左鼻出用蒜研塗左足心右鼻出塗右足心兩足心日用本草

蒜即小蒜生田野中根苗皆如葫而極細小者是也味辛溫有小毒三月忌食不可常食損人脚氣風病人忌食魚蒜鰣等主婦脾腎霍亂腹中不安消穀理胃溫中除邪痺

氣日用本草

蒜有分辦者有独辦者重陽先種次年端午先收建昌府志

蒜人家畦種不多其市販皆自崇明至松江府志

萬

釋草萬山蒜釋曰說文云葷菜也一云菜之美者雲夢之
葷菜也生山中者名萬；不注其狀今蒜有大蒜小蒜本
草蜀本圖經云小蒜野生小者一名萬苗葉根子似葫而
細數倍然則小蒜即萬耳小蒜生葉時可煮和食至五月
葉枯取根名亂子正爾噉之亦甚熏臭食之損人不可長

服崔寔曰布穀鳴收小蒜六月七月可種小蒜八月可種
大蒜蓋皆謂此爾雅則以小蒜為蒜大蒜為葫豕俗稱耳
孫炎乃云帝登嵩山遭蕷羊草毒將死得蒜乃啖之解毒
乃收植之能殺蟲魚之毒攝諸腥膻則是萬是山名其上
出蒜耳与郭說異也
尔雅異

按本草蒜小蒜也爾雅所謂萬山蒜也是苗如葱針頭似
葫而小今下里人麥園中多有之下里人亦呼蒜但俗音
別耳吳化府志

胡荽

種胡荽宜黑軟青沙良地三遍熟耕樹陰下得未豆處六
得春種者用秋耕地開春凍角地起有潤澤時急接澤種
之種法近市貯郭田一畝用子二升故概種漸鋤取賣供
生菜也外舍無市之處一畝用子一升疎密正好六七月
種一畝用子一升先燥晒欲種時布子于堅地一升子與
一掬濕土和之以脚搓令破作兩段多種者以瓶裝之六
得以木礪之亦得子有兩人各着故不破雨收則疎
密水稟而不生青土者令土入殼中則生疾而長速種時
欲燥此菜非雨不生所以不求湿下也於旦暮潤時以耧

耩作壟以手撒子即勞令平春雨難期必湏藉澤蹉跎失
机則不得矣地正月中凍解者時節既早晚雖浸芽不生
但燥種之不湏浸子地若二月始解者歲月稍晚恐澤少
不時生失歲計矣便于煖處籠盛胡荽子一日三度以水
浸之二三日則芽生子旦暮時接潤漫擲之數日悉矣大
体與種麻法相似假令十日二十日未出者亦勿怪之尋
自當出有草乃令拔之柔生三二寸鋤去穢者供食及賣
十月是霜乃收之取子者仍畱根間古覓反拔令稀穢即
不生以草覆上覆者得供生食又不凍死五月子熟拔取
晒乾勿使令濕則裹繩格柯打出作高築盛之冬日六

得入窖夏還出之但不濕亦得五六耳停一畝收十石都邑糶賣石堪一疋絹若地柔良不須重加耕鑿者于子熟時好子稍有令落者然後拔取直深細鋤地一編令平六月連雨時擣生者亦尋滿地省借種之勞秋種者五月子熟拔去急耕十餘日又一轉入六月又一轉令好調熟調如麻地即于六月中旱時耧耩作壅墜子令破手散還令平一同春法但既是早種不須耧潤此菜早種非連雨不生所以不同春月要求濕下種後未遇連雨雖一月不生亦勿怪麥底地亦得種止湏急耕調熟雖名秋種會在六月中無不霖望連雨生則根疆可大七月種者雨多六

得雨少則生不尽但根細科小不同六月種者便十倍失
矣大都不用觸地濕入中生高數寸鋤去概者供食及賣
作菹者十月足霜乃收之一畝兩載直絹三疋若番冬
中食者以草覆之尚得竟冬中食其春種小小供食者自
可睡種畦種者一如葵法若種者按生子令中破籠盛一
日再度以水沃之令生芽然後種之再宿即生矣畫用箔
蓋夜則去之畫不蓋熟不生夜不去虫棲之凡種菜之难
生者皆水沃令芽生無不即生矣作胡荽菹法湯中渫出
之著大瓮中以暖鹽水經宿浸之明日汲水淨洗出別宿
中以鹽酢浸之香美不苦亦可洗訖作粥津麥麩味如釀

芥道法亦有一種味作裏道者亦須潔去苦汁然後乃用之矣

齊民要術

胡荽曰胡荽并州人呼為香荽亦為石勒諱也草木畧

胡荽先將子搗開四月五月七月晦日晚宜種、宜濕地
以灰覆之水澆則易長

便民

葫荽漢張騫自西域得其種莖葉皆細可同邪蒿食及作
羹良并人呼為香荽此也本草云味辛溫殺蟲去毒事類
全書云葫荽必用月晦日晚下種齊民要術云葫荽宜黑
軟青紗良地三遍熟耕春種者用秋耕地開春凍解地起
有潤澤時急接澤種之疎密正好六七月種先曬燥欲種

時布子于堅地一升子与一掬濕土和之以脚槎子破作
兩段以瓢瓦搓之亦得於旦暮盛時以耧耩作壟以手撒
子即勞令平菜生二三寸鋤去穢者供食十月及霜乃收
之取子者仍番根間拔令稀穢即以草覆上覆者得供生
不生食又不凍

此菜早種非連雨不生所以不同春月要求濕麥底地六
得種止湏急耕調熟雖名秋種會在六月連雨生則根彊
科大七月種者雨多亦得雨少則生不尽但根細科小不
同耳六月種者若番冬食則以草覆之得竟冬食其春種
小供食者自可畦種一法葵法按子沃水生芽種之昼

宿蓋夜則去之晨不蓋則凡種菜子難生者皆水沃全芽
熟不生夜不去蟲接之

生魚不即生矣又一種名石葫荽一名鴦不食草載在本
草止堪入藥却非此種葫荽其子搗細香而微辛食饌中
多作香料以助其味于蔬菜子葉皆可用生熟皆可食甚
有益于世也

王氏農書

胡荽俗呼芫荽

鎮江府志

葫荽湘山集云即園荽也或謂之香荽幼々新書云鴦不
食草八閩通志

芫荽一名胡荽味香可食博物志云張騫使西域得胡荽
即此

九江府志

葫荽味辛溫一云微寒微毒消穀治五藏補不足利大小腹通

小腸氣拔四肢熱止頭痛療沙癩豌豆瘡不出作酒飲之
立出通心竅久食令人多忘發腋臭脚氣根發痼疾子主
小兒禿瘡油煎傳之亦主蠱五痔及食肉中毒下血煮冷
取汁服并州人呼為香姜入藥炒用

胡荽味辛氣溫微毒主消穀治五臟補不足利大小腸通
小腹氣通心竅拔四肢熱止頭痛久食損人精神令人多
忘發腋臭口臭脚氣金瘡久病人食之脚弱根發痼疾子
主小兒禿瘡油煎傳之亦主蠱五痔及食肉中毒吐下血
不止煮冷取汁服又治小兒痘瘡不出飲令速出用酒煎
沸勿令洩氣候冷去滓微、項以下噴身令遍除面不噴

包暖即出 食物本草

葫荽一名薰草性頗薰列損人神俗呼為葫子苗如小蒜根有小捷子味亦如蒜一名香荽味辛溫微寒微毒久食令人多忘發氣腋臭鑿齒口氣臭金瘡及發癩疾久食令人脚弱主消穀治五藏補不足利大小腸氣拔四肢熱止頭痛療沙疹豌豆瘡不出作酒飲之立出 日用本草

李退夫為事矯怪居京師北郊一日種胡荽俗傳須主人口誦猥語則茂退夫撒種密誦曰夫婦之道人倫之性云云不絕于口忽有客至命其子畢之子執餘種曰大人已曾

園荽本草所謂胡荽也味辛溫或云微寒稍有毒開白花
結子微黃色俗往往用以點茶吳化府志

胡荽一名園荽又一種高竹園荽幼新書云鶩不食草

臨邑志

芫荽一名胡荽香菜也葉如碧雲而香宜芼之宜點茶松
江府志